

Nermin Purić

Ponovo postavio pitanja upućena na 7., 8., 13., 35. i 39. sjednici Predstavničkog doma:

1. Pitanja postavljena Ministarstvu za ljudska prava i izbjeglice (7. sjednica Predstavničkog doma, održana 27.7.2011.):
 1. „Šta je Ministarstvo preduzelo u okviru svojih nadležnosti s ciljem okončanja procesa povratka i omogućavanja održivog povratka povratnicima srpske nacionalnosti u Unsko-sanskom kantonu, posebno u općinama Bosanski Petrovac i Sanski Most? Interesira me, dakle, koji su projekti aktuelni u tom smislu?
 2. Dokle se došlo sa ostvarivanjem strateških ciljeva iz Revidirane strategije BiH za provođenje Aneksa VII. Dejtonskog mirovnog sporazuma?“
2. Pitanje postavljeno Predsjedništvu BiH (8. sjednica Predstavničkog doma, održana 25.8.2011.) – „Da li Predsjedništvo BiH ima namjeru provoditi reviziju općih pravaca i prioriteta za provođenje vanjske politike BiH koji su utvrđeni još 2003. godine? Ne treba posebno naglašavati da se u međuvremenu dogodio jedan značajan niz promjena i na regionalnom i na globalnom planu i da su ovi principi na neki način već zastarjeli.“
3. Pitanje postavljeno Vladi Federacije BiH (8. sjednica Predstavničkog doma, održana 25.8.2011.) – „Da li je Zakon o komunalnim djelatnostima Unsko-sanskog kantona u skladu s federalnim Zakonom o komunalnim djelatnostima? Ovo se posebno odnosi na član 36. Zakona.“
4. Pitanje postavljeno Vladi Federacije BiH (13. sjednica Predstavničkog doma, održana 10.11.2011.) – “U kojoj je fazi provođenje Zakona o principima lokalne samouprave Federacije BiH, da li se on provodi, te kada se očekuje potpuni prijenos prava i obaveza jedinicama lokalne samouprave, posebno u oblasti obrazovanja i zdravstvene zaštite? Kakvo je stanje provođenja ovog zakona u kantonima u Federaciji BiH, s posebnim osvrtom na Unsko-sanski kanton?”
5. Pitanje postavljeno Vladi Federacije BiH (35. sjednica Predstavničkog doma, održana 23.10.2012.) – „Kakve pravne posljedice po Federaciju BiH proizvodi presuda Evropskog suda za ljudska prava u Strazburu u predmetu Čerimović i Murtić protiv BiH? Ima li ta presuda refleksiju na vlasničku strukturu u preduzeću Agrokomerc d.d Velika Kladuša, te da li su tačne nezvanične informacije po kojima Vlada FBiH razrješenje problema u ovom predmetu vidi u pokretanju stečaja?“
6. Pitanje postavljeno Predsjedništvu BiH (39. sjednica Predstavničkog doma, održana 18.12.2012.) - „Šta Predsjedništvo BiH radi ili planira uraditi s ciljem poboljšanja saradnje s tijelima i institucijama Vijeća Evrope? Ovo se posebno odnosi na imenovanje kandidata na pozicije u Venecijanskoj komisiji, Evropskom komitetu za sprečavanje mučenja i neljudskog i ponižavajućeg postupanja ili kažnjavanja, Evropskoj komisiji protiv rasizma i netolerancije, tijelima Okvirne konvencije o nacionalnim manjinama i drugim tijelima. Dakle, zanima me dokle se došlo s tim imenovanjima i kada će taj posao biti završen?“